



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD VISOKO
GRADONAČELNIK**

Broj: 01/1-02-1455/22

Datum: 22.09.2022. godine

Na osnovu člana 70. Zakona o javnim nabavkama Bosne i Hercegovine ("Službeni glasnik BiH", broj: 39/14), otvorenog postupka javne nabavke za LOT 1- Sanacija i održavanje lokalnog puta u naselju Tušnjići i LOT 2- Sanacija i održavanje lokalnog puta u naselju Taukčići objavljenog na portalu javnih nabavki Obavještenjem o nabavci broj: 870-1-3-72-3-105/22 od 12.08.2022.god., donosim:

**ODLUKU
o izboru najpovoljnijeg ponuđača**

I

Komisija je konstatovala da su ponude ponuđača KOMGRAD-ZE d.o.o. Zenica i ŠPIC BETON d.o.o. Zenica za LOT 1 – Sanacija i održavanje lokalnog puta u naselju Tušnjići dostavljene u skladu sa uslovima iz Tenderske dokumentacije.

Komisija je konstatovala da su ponude ponuđača MUŠINBEGOVIĆ GRADNJA d.o.o. Visoko i ADO-TRANS d.o.o. Visoko za LOT 2 - Sanacija i održavanje lokalnog puta u naselju Taukčići dostavljene u skladu sa uslovima iz Tenderske dokumentacije.

U skladu sa navedenim i provedenom e-aukcijom najpovoljnijim ponuđačima proglašavaju se:

LOT 1 – KOMGRAD-ZE d.o.o. Zenica (sa cijenom ponude u iznosu od 46.942,00 KM bez PDV-a)

LOT 2 – ADO-TRANS d.o.o. Visoko (sa cijenom ponude u iznosu od 42.703,60 KM bez PDV-a)

II

Izabrani ponuđač za LOT 1 obavezan je dostaviti dokumentaciju iz člana 45. Zakona o javnim nabavkama u roku od 7 (sedam) dana od dana prijema ove Odluke, a u skladu sa uslovima definisanim u Tenderskoj dokumentaciji. Ponuđač KOMGRAD-ZE d.o.o. Zenica obavezan je dostaviti dokaz iz tačke 12.1. a) (ekonomska i finansijska sposobnost) Tenderske dokumentacije u originalu ili ovjerenoj kopiji u roku od 7 (sedam) dana od dana prijema ove Odluke, a u skladu sa uslovima definisanim u Tenderskoj dokumentaciji, obzirom da je u okviru ponude dostavio običnu kopiju potvrde banke.

Izabrani ponuđač za LOT 2 obavezan je dostaviti dokumentaciju iz člana 45. Zakona o javnim nabavkama u roku od 7 (sedam) dana od dana prijema ove Odluke, a u skladu sa uslovima definisanim u Tenderskoj dokumentaciji. Ponuđač ADO-TRANS d.o.o. Visoko obavezan je dostaviti dokaz iz tačke 12.1. a) (ekonomska i finansijska sposobnost) Tenderske dokumentacije u originalu ili ovjerenoj kopiji u roku od 7 (sedam) dana od dana prijema ove Odluke, a u skladu sa uslovima definisanim u Tenderskoj dokumentaciji, obzirom da je u okviru ponude dostavio običnu kopiju potvrde banke.

III

Po sticanju uslova za zaključenje ugovora, ugovorni organ će pozvati izabrane ponuđače radi zaključenja ugovora u skladu sa zahtjevima - uslovima ugovornog organa navedenim u otvorenom postupku.

IV

Odluka stupa na snagu danom donošenja.

Obrazloženje

Grad Visoko je pokrenuo otvoreni postupak javne nabavke za LOT 1 – Sanacija i održavanje lokalnog puta u naselju Tušnjići i LOT 2 – Sanacija i održavanje lokalnog puta u naselju Taukčići Odlukom o pokretanju postupka broj: 01/1-02-1178/22 od 12.08.2022.godine.

Postupak je objavljen na portalu javnih nabavki Obavještenjem o nabavci broj: 870-1-3-72-3-105 /22 dana 12.08.2022.godine i u Službenom glasniku BiH broj: 56/22 od 19.08.2022. godine.

U skladu sa članom 13. Zakona o javnim nabavkama BiH („Službeni glasnik BiH”, broj: 39/14) i Pravilnikom o uspostavljanju komisije za javne nabavke („Službeni glasnik BiH”, broj: 103/14) Komisija je imenovana Rješenjem broj: 01/1-02-1179/22 od 12.08.2022.god., u sastavu:

1. Adna Smajić, predsjednik
2. Mirha Šehović, član
3. Lejla Ahmetović, član
4. Zilha Sirčo, sekretar

1. Seid Burić, zamjenik predsjednika
2. Evvel Žutić, zamjenik člana
3. Mugdim Ćosović, zamjenik člana
4. Alma Ahmić, zamjenik sekretara

U roku za dostavljanje ponuda 01.09.2022.god. (četvrtak) do 12:00 sati dostavljene su ponude ponuđača:

LOT 1:

1. KOMGRAD-ZE d.o.o. Zenica
2. ŠPIC BETON d.o.o. Zenica

LOT 2:

1. MUŠINBEGOVIĆ GRADNJA d.o.o. Visoko
2. ADO TRANS d.o.o. Visoko

Tenderska dokumentacija je bila objavljena na portalu javnih nabavki. Uvidom Komisije u Izvještaj o preuzimanju TD od strane ponuđača utvrđeno je da su ponuđači koji su dostavili ponude, preuzeli i TD.

Dana 01.09.2022.god. (četvrtak) u 12:15 sati Komisija je pristupila otvaranju blagovremeno pristiglih ponuda.

Otvaranju ponuda je umjesto predsjednika komisije Adne Smajić koja je na godišnjem odmoru pristupio Seid Burić, dok je dalji rad u komisiji nastavila Adna Smajić, te umjesto člana komisije Mirhe Šehović koja je na godišnjem odmoru pristupio Evvel Žutić.

Otvaranju ponuda je prisustvovao predstavnik ponuđača ADO-TRANS d.o.o. Visoko – gđin. Haris Karasalihović.

LOT 1- Sanacija i održavanje lokalnog puta u naselju Tušnjići

Predsjednik Komisije je pročitao cijene ponuda i to:

Red. br.	Ponuđač	Ukupna cijena KM bez PDV-a	Popust (KM bez PDV-a)
1.	KOMGRAD-ZE d.o.o. Zenica	46.942,00	nema
2.	ŠPIC BETON d.o.o. Zenica	52.310,00	nema

Komisija je prilikom evaluacije ponuda konstatovala sljedeće:

Ponuda ponuđača **KOMGRAD-ZE d.o.o. Zenica** je blagovremena, računski tačna i dostavljena u skladu sa uslovima iz Tenderske dokumentacije. Ponuđač nije u okviru ponude dostavio dokumentaciju iz člana 45. Zakona o javnim nabavkama ("Službeni glasnik BiH", broj: 39/14), dostavio je običnu kopiju Potvrde banke iz tačke 12.1. tenderske dokumentacije.

Ponuda ponuđača **ŠPIC BETON d.o.o. Zenica** je blagovremena, računski tačna i dostavljena u skladu sa uslovima iz Tenderske dokumentacije. Ponuđač nije u okviru ponude dostavio dokumentaciju iz člana 45. Zakona o javnim nabavkama ("Službeni glasnik BiH", broj: 39/14), dostavio je običnu kopiju Potvrde banke iz tačke 12.1. tenderske dokumentacije.

LOT 2 – Sanacija i održavanje lokalnog puta u naselju Taukčići

Predsjednik Komisije je pročitao cijene ponuda i to:

Red. br.	Ponuđač	Ukupna cijena KM bez PDV-a	Popust (KM bez PDV-a)
1.	MUŠINBEGOVIĆ GRADNJA d.o.o. Visoko	42.730,00	nema
2.	ADO TRANS d.o.o. Visoko	42.703,60	nema

Komisija je prilikom evaluacije ponuda konstatovala sljedeće:

Ponuda ponuđača **MUŠINBEGOVIĆ GRADNJA d.o.o. Visoko** je blagovremena, računski tačna i dostavljena u skladu sa uslovima iz Tenderske dokumentacije. Ponuđač nije u okviru ponude dostavio dokumentaciju iz člana 45. Zakona o javnim nabavkama ("Službeni glasnik BiH", broj: 39/14), dostavio je ovjerenu kopiju Potvrde banke iz tačke 12.1. tenderske dokumentacije.

Ponuda ponuđača **ADO TRANS d.o.o. Visoko** je blagovremena, računski tačna i dostavljena u skladu sa uslovima iz Tenderske dokumentacije. Ponuđač nije u okviru ponude dostavio dokumentaciju iz člana 45. Zakona o javnim nabavkama ("Službeni glasnik BiH", broj: 39/14), dostavio je običnu kopiju Potvrde banke iz tačke 12.1. tenderske dokumentacije.

Nakon analize ponuda Komisija je predložila da se provede e-aukcija u skladu sa Pravilnikom o uslovima i načinu korištenja e-aukcije.

Rang lista ponuđača za LOT 1 prije zakazivanja e-aukcije:

1. KOMGRAD-ZE d.o.o. Zenica – 46.942,00 KM bez PDV-a
2. ŠPIC BETON d.o.o. Zenica – 52.310,00 KM bez PDV-a

Rang lista ponuđača za LOT 2 prije zakazivanja e-aukcije:

1. ADO TRANS d.o.o. Visoko – 42.703,60 KM bez PDV-a
2. MUŠINBEGOVIĆ GRADNJA d.o.o. Visoko – 42.730,00 KM bez PDV-a

Dana 19.09.2022. godine Komisija imenovana Rješenjem broj: 01/1-02-1179/22 od 12.08.2022.god., u sastavu:

1. Adna Smajić, predsjednik
2. Evvel Žutić, zamjenik člana
3. Lejla Ahmetović, član
4. Zilha Sirćo, sekretar

se sastala i pristupila uvidu u izvještaje o toku i završetku e-aukcije za svaki od lotova.

Komisija je konstatovala sljedeće:

LOT 1 – U toku e-aukcije koja je započela dana 19.09.2022. godine u 09:00 sati a završila istog dana u 09:15 sati nije došlo do promjene cijena, te je najpovoljniji ponuđač nakon završene e-aukcije KOMGRAD-ZE d.o.o. Zenica sa cijenom ponude u iznosu od 46.942,00 KM bez PDV-a. Komisija je konstatovala da ponuda sa cijenom od 46.942,00 KM bez PDV-a prelazi procijenjenu vrijednost javne nabavke od 42.735,00 KM bez PDV-a u iznosu od 4.207,00 KM bez PDV-a. Komisija je predložila da se službi pokretača javne nabavke uputi upit da li će osigurati dodatna sredstva u navedenom iznosu u kojem slučaju Komisija predlaže donošenje Odluke o izboru najpovoljnijeg ponuđača, u suprotnom postupak javne nabavke će se poništiti.

LOT 2 – U toku e-aukcije koja je započela dana 19.09.2022. godine u 10:00 sati a završila istog dana u 10:15 sati nije došlo do promjene cijena, te je najpovoljniji ponuđač nakon završene e-aukcije ADO-TRANS d.o.o. Visoko sa cijenom ponude u iznosu od 42.703,60 KM bez PDV-a, koja ne prelazi procijenjenu vrijednost nabavke. Komisija je predložila donošenje odluke o izboru ADO-TRANS d.o.o. Visoko.

Službi za infrastrukturu, ekologiju, komunalne i inspeksijske poslove upućen je Upit za osiguranje dodatnih sredstava broj: 09/3-45-2-576/22 od 21.09.2022. godine.

Na traženi upit, Služba za infrastrukturu, ekologiju, komunalne i inspeksijske poslove dostavila je Saglasnost broj:08/1-02-8651/22 od 21.09.2022. godine, u kojoj navodi da je saglasna sa najpovoljnijom ponudom u postupku javne nabavke za LOT1 "Sanacija i održavanje lokalnog puta u naselju Tušnjići" koja prolazi procijenjenu vrijednost nabavke za 4.207,00 KM bez PDV-a i da će osigurati dodatna sredstva.

U skladu sa navedenim odlučeno je kao u dispozitivu.

POUKA O PRAVNOM LIJEKU:

Protiv ove Odluke ponuđači imaju pravo da izjave žalbu u roku od 10 (deset) dana od dana prijema odluke. Žalba se ulaže ugovornom organu u pisanoj formi direktno ili preporučenom poštanskom pošiljkom. Žalba se podnosi u 3 (tri) primjerka.

Dostavljeno:

1. MUŠINBEGOVIĆ GRADNJA d.o.o. Visoko,
2. ADO-TRANS d.o.o. Visoko,
3. ŠPIC BETON d.o.o. Zenica,
4. KOMGRAD-ZE d.o.o. Zenica
5. Evidencija
6. a/a.-

